


刑政監獄改良

刑政

乙巳年





3 2173 3075 6

政務處等會奏遵議御史劉彭年等奏審定刑章等摺

奏爲遵 旨議覆恭摺會陳仰祈 聖鑒事本年四月初五日軍機處抄交御史劉彭年奏審定刑
部章程又御史錢能訓奏改定刑律宜策萬全各一摺均奉 旨政務處會同刑部議奏欽此據劉彭
年原奏內稱刑部爲天下刑名總匯不應審理詞訟宜遠規漢制近法日本漢之廷尉不過審定律法不
必審定罪囚日本司法卿掌釋律意凡捕亡囚獄事務屬之裁判所擬將京城一切詞訟凡罪在徒流以
上者內城由大宛兩縣外城由正副指揮依律審理由順天府尹五城御史覆核達部俾堂司各官專心
法律無督捕之煩勞是爲上策現行律例五城步軍統領衙門審理案件罪名在徒流以上者方准送部
不得以情節介在疑似者濫行送部若將不應送部之案濫行送部刑部將原案駁回仍據實奏參現在
送部案件有無關重罪之案擬請申明舊例是爲中策各等語謹案自古刑官未有專定律令而不治訟
獄者臯陶作士察理獄訟周禮大司寇之屬聽訟決獄之法至詳即如該御史所稱遠規漢制之廷尉廷
尉有平有史以判囚辭決獄事日本裁判所承命於司法卿與漢制廷史與郡均受成於廷尉略同實無

北洋官報

第七百二十六册

廷尉祇定法律不審罪囚之說京師浩穰人海奸弊所叢盜賊訟獄多關重要今之大宛兩縣員微權輕
固非前代洛陽長安赤令之比坊官雜職資品尤卑刑名之事多不通曉該御史原奏方稱錢債細故尋
常盜竊無關重罪之案猶以介在疑似濫行送部若遽責以審斷重大案件如何可行詳查所言上策係
屬更改舊章又於古誼不合現行事例尤多窒礙應毋庸議至所稱中策係現行律例應如所請辦理即
由刑部申明舊制一律遵守以定權限而省案牘又錢能訓原奏內稱改定刑律宜策萬全慮教養未普
警察未周刑官不諳律意請通飭各督撫盡心教養實行警察定陪審重見證舉行訴訟裁判諸法並請
設法律學堂各等語竊維慎刑之道欽恤爲先該御史所慮者以現今教養警察等事尙未一律舉辦驟
停刑訊有窒礙難行之處查劉坤一等原奏謂外國警察之法最密故證據多實洵爲洞中之言伍廷芳
等覆奏亦請認真辦理警察必先請開辦法律學堂復申明訴訟裁判諸法將來仿照各國另設專章參
酌妥當奏明辦理是該御史所陳各節伍廷芳等請停刑訊摺內亦已籌慮及之總之執法務求平允考
核不厭周詳伍廷芳等所奏如有未盡周備之處應由刑部會商該侍郎參酌奏明辦理刑部查五城步

軍統領衙門審理案件徒流以上方准送部例內界限甚明近年以來送部之案往往有罪不至徒流者且有無罪可科之案亦徑行送部者辦理參差殊失定例本意應如何明定章程之處俟臣部參酌妥當另行奏明辦理所有遵 旨議奏緣由理合會同恭摺覆陳伏乞

皇太后 皇上聖鑒謹 奏奉 旨依議欽此

定興縣稟教民劉花幼女被搶申同神符干預詞訟請照會遵守約章由

批 據稟已悉該教民劉花之女被搶神符狄宗瀛來案干預詞訟儘可照約駁斥豈有照會主教之理

北洋官報

三 第三百二十二册

該令所請甚屬糊塗應即申斥仍候行津海關道照會該領事查照飭遵至此案逸匪並被搶幼女應由該縣上緊訪緝務獲究報繳

武清縣稟整頓保甲並民教情形由

批 據稟暨示稿均悉整頓保甲原係地方要務改青苗錢為經費就地方之財辦地方之事如果認真經理自著成效第恐有名無實則查造戶口清冊設立牌長保正等事皆屬具文本部堂訪聞武清境內盜風甚熾來稟謂在任八月僅出盜案一起業經獲獲正恐被盜之家忍氣吞聲不敢控訴聞閭疾苦壅於上聞父母斯民能無自愧又聞該縣教民凡數千人以土口屯為總教堂各處設有分堂教民欺壓平民逼令入教越疆侵界捏案誣控種種不法隨在多有父老言及痛心疾首無可如何遇有民教詞訟官長不為秉公審斷輒令村止副教長調處教民有黨平民無黨勝負曲直不問可知來稟謂鄉民畏教士干預恐認不得直含忍未發始是實情據此情形公庭無訟豈能遠信該令務須振奮精神將民教涉訟張文起李占元各案迅速提傳持平訊結果富恩道人入教鄉里共惡亟應嚴懲不准以伊子未經到案為詞一味延宕兵書丁作安如訊有通同舞弊情事應即串究任奇借端勒罰此等刁風斷不可長亦應查明究辦以上各案本部堂訪查的確務當認真辦理以遏亂萌而安良善者專以一稟了事為自欺欺人之舉與論具在恐不能始終諱飾也悞之此致

密雲縣稟籌設蒙養學堂請派員覆查以資鼓舞由

批 稟悉披閱各件經詳分明勸導之勸諭畫之苦如此方為無忝牧民之責表分房舍常款等項其非

北洋官報

三 第三百二十一册

虛文搪塞可知尤足風示各屬仰學校司於派員考察之便如稟商說曉諭以資鼓舞至條規課程除各就地方情形斟酌損益外其大綱須照奏定高等初等小學堂章程以昭一律併即飭遵仍俟小學堂試習期滿隨時具報繳

已詳前報。天主教民聚眾向耶穌教民尋衅致斃人命一案由奉

批據稟已悉查約戰中國習教民人凡中國律令之事仍由地方官照例懲辦等語又查內地隨同習教之人若已習教而別有不法情事地方官仍應照所犯之案辦理並將案內所犯情由聲明與習教兩無干涉經前總理衙門咨行有案此案該縣天主教民聚眾燒搶傷斃二命該令應趕緊查拿兇犯照例懲辦並將主使釀案之人一併緝拿嚴辦教民同係中國百姓地方官於此等案犯不先自行緝究乃謂事關兩教未便貿然往拿致貽外人口實殊不可解又請飭津海關道咨會領事轉飭主教交犯亦無何辦法且領事並非駐京該令何意不知要之教民犯案與平民一律拿辦無庸牽涉洋教地方攸令不諳條約不明事理動以民間鬪毆小衅視爲交涉巨案辦理不善貽誤非輕實堪痛恨此案業委沈道桐馳往查辦仰即迅速勒限緝犯務獲嚴究暨將善後事宜妥籌辦結具報仍錄報趙州吳牧查照繳

8 趙州吳牧稟馳赴甯晉查辦教案情形由奉

批據稟並另單均悉此案昨據甯晉胡令來稟當以教民犯案與平民一律拿辦批飭緝拿嚴究在案至謂教民被控教堂會長半使抗傳不到地方官既懼教民之氣憤日熾又慮教會之曠有煩言何竟顧忌若此要知教民同係中國百姓安良除莠責在官吏會長亦係紳民尤應奉公守法倘有抗違地方官自可照例懲處若以無理函瀆尤當查究教士不准干預公私事件載明傳教諭單況在會長此案天主教民聚眾燒搶傷斃二命仰即督飭胡令勒限嚴緝兇犯務獲究辦會長張步瀛等縱令教民滋事主使釀案亦即一併嚴拿按律懲辦何恭將既經撥隊在該處巡察即由該牧商令暫駐彈壓會同辦案俟事竣再行回防東汪村受害多至三四十家現由該牧等捐廉撫卹仰即將善後事宜妥籌辦結具報仍傳諭胡令遵照繳

8 天津道等稟會議採擇日本獄制分別緩急辦法由奉

批 據稟日本監獄之制有未決已決民事懲治軍獄民獄區分六等惟已決民事懲治三監宜急仿辦擬將軍流徒三項人犯專歸已決監學習工藝餘如追償欠債詞訟命盜牽連人證應候押追押訊暨竊賊土棍從嚴懲辦各犯撥入民事監其南北巡警局營務處天河二府屬罰充苦力人犯概入懲治監以上三監房屋即在西門外拓地建置現在開辦伊始先建監房一區可容囚犯五百人將來再行擴充所議均屬妥協仰即遵照辦理至監獄名目應否沿襲其名抑或另易他號候行臬司核議具覆餘照行此繳

昌平州稟訪獲民人朱永安勾引日人訛詐由奉

批 查約載洋人前赴內地均宜先奉路照如無執照以及有不法情事地方官理合攔阻拿獲交近口領事查辦等語此案大牛村人朱永安勾同日本人葛照次安等三人赴張元家訛索銀兩既經該牧將朱永安拿獲其日本人三名在內地滋事本可照約拿解該牧獨不知耶候行津海關道照會日本領事照章查辦並通飭順屬各州縣將該日人等一體嚴密查緝務獲解津仰即遵照辦理此繳

昌建昌縣稟刁民勾串英人霸開煤礦從權辦理由奉

批 查約載非通商口岸例不准洋人租地置產又洋人游歷入內地如查無執照以及有不法情事就近送交領事懲辦各等語據稟該縣冰溝煤窰被股東王立李清如勾串洋人寇克等私立合同意圖霸佔殊屬不合既經該縣查明銷毀並將煤窰暨物件退還姑予從權了結候行津海關道照會英國領事官照約禁止嗣後不准再至各處私行開礦並不准無照入內地遊歷以免滋生事端仍由該令飭傳王立李清如等到案質訊明確稟報查核此繳

批 定興縣稟日本人杉山兼四郎等違章來縣干預公事請查究懲由奉

查華民與訟向由地方官傳集原被告按照所控各節審訊判斷從無有洋人干預地方詞訟之理又查約章內載洋人前赴內地均宜先奉路照否則中國地方官理合攔阻拏獲交近口領事查辦等語此專指不持護照之洋人而言據稟日本人杉山兼四郎林信夫二人同宗室誠昉之妻帶同繙譯來縣該宗室誠昉失迷地畝呈訟未結求爲查辦實與插訟無異殊屬不合既經該縣查驗並無護照何不先行扣留拏解來津照章查辦不應任其遠去致貽後患仰候札行津海關道照會日本領事查明並將二人認真查辦以免滋生事端此繳

批 直督袁批沈道桐稟籌辦管教案善後事宜由

據稟並另單均悉天主耶穌兩教積怨已久現雖查辦完結誠恐日後又復尋仇貽累善良不能安業擬先在甯晉縣東汪村試辦巡警如有滋事之人無論民教即應懲罰村中原有保甲局改爲巡警局仿照天津開辦章程酌擬妥辦實力奉行且兩教講堂同在一處易啓爭端飭即遷移免致互相凌競又查得該縣大曹莊等處素爲盜藪教民亦有不靖正定任鎮所派管帶董守道生熟悉該處情形

北洋官報

三

第二百八十四冊

案稱得力候照飭該鎮轉飭該守酌撥兵隊扼要防守以資鎮攝並候行趙州督飭甯晉縣將善後各事宜妥籌辦理具報至該道行經各處接見官紳均謂庚子亂後教民氣憤甚熾遇有控案官差傳喚隱匿不到地方官恐釀事端往往瞻徇隱忍敷衍了事教民有恃無恐其勢更張擬請嗣後凡有教民被控即日稟差傳訊倘教士出頭干預自應稟請查照約章懲辦出一簡明淺白告示刊貼城鄉庶民教得彼此相安所擬辦法甚爲妥善仰即遵照辦理仍由該道妥擬簡明辦法條規呈候核定飭發各屬以便一體遵守又據稱各州縣皆有交涉案件應查照條約辦理近來多不講求擬請札飭臬司轉囑幕中各幫友能於韻律之暇兼習公法約章以爲課程平日考究既精將來出而應聘或由幕而官遇有教案自能成竹在胸不致爲教士教民所脅事屬可行並候札飭該司遵照辦理示稿存此繳

○易州稟拿獲滋事日本人南勸保等解送領事究辦由奉
批 據稟已悉此案日本人南勸保等二名經該州訊明既無護照又復滋事擾民殊屬不安本分候飭

津海關道將該日本人南勸保等送交該國領事官查收究辦以儆效尤仍由該州勒限嚴拿孫洛平
鄭瑞二名到案訊明嚴懲擬議詳辦此繳

○東安縣稟南辛等村村正稟報日本人帶領通事在村訛索請飭管束由奉
批 查約章內載洋人前赴內地均宜先奉路照如無執照地方官理合攔阻拿獲交近口領事查辦等

語此係專指不持護照未經滋事而言據稟該縣南辛莊有不法匪徒勾結日本人帶領通事在村訛
詐隨赴隣村恐遭送案行至半途旋即逃跑遺有匣子等物自應解交津海關道送還日本領事查驗
仰仍選派幹役嚴密查拏務獲解津交該國領事究辦並候行津海關道照會日本領事官嚴行管束
商民人等勿任復出滋事以靖閭閻而符約章此繳

北洋官報

○湘撫趙批蒙師講習生黃德嵩等稟請借廟設學課蒙由

風氣之開需以漸不可急也師範之求聽諸人不可強也廟願借則借之不願借則舍之任其自然久而
自化也該生等三人甫離講所即若有儼然不可終日之勢昂然不可一世之概匪童蒙之求我將強迫
以急功其知者以為是熱心教育也其不知者將謂借此以謀食也其甚者則更疑謗叢生目為怪物如
此而興教育是不啻為學界生一阻隔添一障礙矣本部院迭次面命耳提胡竟諱聽藐若此爾等須
知無論新舊總要求在我品學二者不容偏廢方今各處興學日增月盛皆苦教育乏人我果深明科
學而又行端表正不激不隨人將爭延恐後何患無蒙可授若平日不孚衆望臨事又復舉動乖張安能
強人信從爾等惟有益求研究益加斂抑循優柔之進化培方長之萌芽是所深望凡有諸生咸視此批
再凡研究所之主義在使不知科學者研究其理化其拘墟之見以備速成之用至其擴充深造尙大有
事在並非謂數月之功即已道在是矣此次所發文憑不過取其分數已合者使之略開風氣其分數未
合者仍可再習一二月俟其合格又可作第二班發憑有先後並無榮辱諸生或有斷斷爭論因意氣而
生詆毀者總由學疏識淺尊己卑人之習未除蓋亦反而求諸己乎又批

○長沙縣黎令曉諭推行阮札自行投審諭單條款告示

爲出示曉諭事照得天下無不擾民之差役馭之以嚴稍知歛跡偶涉於寬卽至爲患本縣在湘筮仕歷
膺繁劇深悉若輩情弊在在皆然雖經隨時整頓而格於成例未能辭酌屏退俾閭閻毫無苦累捫心自
問負疚良深現奉撫憲趙體察民隱行令除命盜奸拐械鬪等案照舊辦理外其尋常詞訟初次不用差
傳卽用自行投審諭單或用諭帖頒發諭式開列條款使官與民親孝與民隔一洗從前積弊良法美意
可歌可泣本縣德薄能鮮撫民乏術而平日兢兢自矢苟非公事勾留無不出坐堂皇親收呈稟隨予審
理理奉撫憲諄飭成法可循益當勉竭心力勤以補拙嗣後民間細微涉訟一經准理查照成式填發諭
單令原告交給地保傳知被告限定日期自行來城投審倘該處地保缺人未補或原被告距該地保較
遠或控案牽涉地保或兩造與地保不和卽改派都團牌甲家族人等傳知投審其有應用諭帖者臨時
酌定本縣每日未初坐堂洞開大門以便該原被告上堂面稟立爲訊結免受拖累凡在吾民務當仰體
斯意須知此諭一行差票自可漸廢向來所謂起差費止差費懸牌費到單費驗傷費送案費訊案費領
據費結案費和息費覆訊費翻控費要可一律掃除此諭不行仍舊沿用差票向來所謂起差費止差費
懸牌費到單費驗傷費送案費訊案費領據費結案費和息費覆訊費翻控費恐難絲毫減免蓋官雖愛
惜百姓差則罔知愛惜官雖一錢不取差則無錢不索亦嘗嚴懸厲禁而陽奉陰違亦嘗痛予創懲而甫
誅旋犯惟有諭單諭帖分別推行使若輩無所憑藉便可廓清弊竇此中利害吾民諒能辨別應各遵照
示後諭式條款互相傳告家喻戶曉務期此諭永行以受無窮便益若原被告自來投審并不必待地保轉
告更爲省便更無隔閡切勿惑於謠言藉詞阻撓勿勿聞見自相梗阻如有劣役出頭攔阻或勾串
地保不令傳知被告希圖改差票傳或地保藉奉此諭從中詐索者許立時指稟一經查實盡法嚴辦偷
存奸民祇圖控告不願領諭但冀藉差嚇詐或原告聽信勾串不信此諭仍邀差差暨被告經地保傳知
不到者均爲自外生成亦卽分別澈究除移會儒學札飭巡典暨照會都紳諭飭團總人等隨時開導推
行外合亟出示曉諭爲此示仰閭邑居民人等一體遵照毋違特示

告狀須知

粵督岑雲帥牌示云照得各屬士民人等赴本部堂衙門呈遞詞狀向按三八呈期現本部堂委員隨時收呈不按呈期不用代書以免阻隔而達民隱除札委員遵照外爲此諭仰告狀人等知悉嗣後爾等呈遞詞狀如無後開各情弊准其赴轅隨時呈遞聽候委員按名訊供分別駁收轉呈核辦計開六條一并未赴司道府州縣具控而來轅越控者不准一戶婚田債詞訟控經地方州縣准理應靜候審斷如無官吏閹書串詐差役受賄庇延各情而輒上控者不准一紳衿遞具公呈雖准用抱告如控告地方文武官婪贓執法重事及攻匪保良各情該紳衿並無數名親身來轅僅止抱告代呈者不准一紳衿婦女老幼篤疾遣抱代遞須具狀人親族工人方准作抱如混僱署前貧民乞丐作抱委員提訊全不知呈中原委者不准一紅白呈無副狀保狀保狀無地保截記者不准一事不干已聯名多人扛幫插訟者不准

8 密雲縣裁併吏役情形請通飭立案稟并批

敬稟者竊自光緒二十七年四月十七日欽奉 上諭裁汰吏役欽遵飭行令各大加整頓迭奉 憲台嚴札務期弊絕風清不准假書吏以事權嚴禁把持積壓申通牟利諸弊痛革差役之需索滋擾以安閭閻各等因遵奉在案卑職抵任後考查卑署吏役人尙不多而名目過繁易滋流弊且遇公贖彼此推諉延擱不克依限清理如卑前升任徐丞國楨於二十七年十月內冊報各房有曰戶房曰戶稅曰戶庫曰戶租曰戶倉曰糧房究之一戶字可包而六出其名工房本無多事而又增出工關一房巧立名目各肆把持此外吏禮兵刑各一房而皆清苦尤以禮刑二房公贖較繁卑職現在舉行學堂整頓保甲飭令該二房繕寫之件更增尋常數倍不能不酌示體恤諭將毫無事之吏房與僅司木稅之工關二房歸併禮房以僅司田房契稅之戶稅歸併刑房藉以摺注以資辦公又查賦役全書州縣衙門例設民壯馬快皂役三項卑縣則有六班五捕之名曰頭壯曰二壯曰頭快曰二快曰頭皂曰二皂至所稱五捕更奇不可解每一捕役即爲一班有五人則曰五捕依次推增勢必至數十捕白餘捕而無已矣衙門多一差役名目民間多一擾累現已嚴行革去六班五捕之名只准遵照 國家原日額設民壯馬快皂役三項各按經制各司其事永遠不許增添名目濫派不應派之差庶幾少蘇民困至捕役現止六名嚴與示定名曰捕盜差專令捕拏盜賊兼承通緝之票此外一切詞訟不准干預並令遵照刑憲例下腰牌掛名掛帶曉示百姓凡未挂腰牌因案到鄉之役即准百姓捆送到官查照白役冒充虐民例治以應得之罪容再虛心徐訪酌損益務期擾民弊資一掃而空而後已惟是上項二事已經欽奉 特旨皆州縣例應遵行之事卑職初以爲一牌示即可定議抑知有大謬不然者當卑職甫令檢卷清查公贖該戶稅經書余祿綿即籲懇保甲局紳等同爲乞情云其長子余永祥由丁酉拔貢中壬寅舉人現官鞞津教諭次子廩生余永瑞現在京城宅門教讀囑爲該經書少留體面令其自行告退卑職俯允其請詎該經書希圖緩發徐爲把持地步昨又面懇諭派各房公議辭涉挾制並云該經書與禮房夙有芥蒂不願以該經書承辦公贖點交禮房云云卑職曲體人情當即改工關房歸併禮房以渠經手之戶稅歸併刑房窺其意仍忿忿難保不別生事端且卑職訪悉田房契稅惟密雲之苛害爲烈亟須另籌辦法別證錮弊若不先將此等蠹 國病民之猾吏除盡根莖勢必一半年後重行萌芽久則滋蔓愈難 矣除將另籌整頓田房契稅章程專案通稟外所有從嚴裁併吏役以清蠹病仰乞通飭各緣由謹專肅稟聞伏乞 鑒核 批 據稟該縣裁併吏役以清衙蠹辦理甚善應准立案仰布按兩司查照飭知並通飭各屬一體查照 此繳

○湘撫趙批答各屬詞訟月報彙錄

澧州 批詞訟冊之設所以稽查州縣審結之勤惰遲速多寡然特爲中才以下而故而記功記過則視乎其人相乎其時其人素來工緣飾習安逸庸懦無能者雖結案如格亦不敢深信仍須加以查考其人才優守潔振作有爲者雖結案不如格必有緣故亦不能便加譴責況值蒞事未久尤不能漫無區別該守軍履任甫二十餘日旁無贊助前任移交已有百十九案之多新收又有九十餘案除審結駁銷之外尙有七十九案未結在他缺則爲積多在澧州而又係初到則爲奮勉况頗有諭單傳到之案尤爲難得乃該守猶歉然不足自請記過愈見勤奮之懷本部院方嘉尙之決不促迫能事決不爲不近情之舉

此係公理非於該守有所偏徇也另單所稱圖告不圖審及爭洲冒教之弊歷歷如見處置亦極得覈本部院之飭州縣坐大堂勤審斷除壅滯減訟費行諭單皆所以與民相親力除誣告拖累之風再加以該守之明決澧民訟風當可漸少至湘省州縣久不知詞訟爲當官首務其能者雖知自盡其職而究未盡得法其下者或各顧其私或熟慮其後或愛惜精神或限於才力遂以拖磨和三字爲秘訣蓋不能結者不肯結者半而民苦矣從未有深自刻責如該守者願益加奮勉歷久不懈以爲所屬倡率有厚望焉

益陽縣 批該令前呈詞訟一稟與所出勸民告示語尙透切而閱冊仍祇審結五成固由案多亦足見言易而行難各案有差太多者時太久者三造俱備五月於茲而猶不能結者有被告近住城內而竟不到案者其餘瑣細情節各案已逐一於眉上隨案批注所喜諭傳漸已推行且有兩造同到者甚屬可嘉宜益加推廣力踐則言按察司將屬冊發回該縣閱看後再行繳還備案惟中證尙宜少傳差役轉達姚華屢不送案應停其差票再有逾違即送府嚴懲以儆其餘聞該縣押犯將近百名祇據補報二犯是否屬實抑係已經撥所習鑿并飭據實聲明毋待委查自誤 郴州 批審結祇九起何以註十二起各屬上控轉行之案不必用憲台字樣但於控字上分別督撫藩臬道府等一字足矣惟並未訊結一起固由所屬疲玩而該牧本有督率之責亦須時加提撕曹道術早經批飭提審乃數月之久僅訊一堂久懸高閣諭傳二十案已結六起餘俱未到可徐俟之不必過於操切久之自相信信借來矣但須防盜役暗中阻撓急宜嚴拿重懲以祛蠲蔽改差二起亦未赴審可見諭傳不到差傳亦未必即到是在地方官之體恤民艱力除壅塞耳李仕陔被控一案遵前批速了結黃啞寶係拿獲竊犯應否撥廠學藝即查明請示遵辦 鳳凰廳 批諭保諭團之案祇註二字不必註姓名諭傳已過半且有隨堂凡結者照章應予

記功官與民誠信相孚故草偃風行頗得息訟寯人之法大堪嘉許苗獠心地質樸 永綬縣已

全用諭傳矣爲湘省大開風氣該丞人尙精強亦可徐圖進步也張老喜一犯仍遵前批辦理 永順縣

北洋官報

四

第一百八十六册

批未結九十餘起且有數月不到之案照章應記過一次惟奉委出差姑免核記註銷祇註二字案經訊結原被均釋四字可不必填以省煩文祇於結字上註一已字卽已了然彭興善龔大成近在本城何不立予斷結其情虛畏賈耶抑抗傳不到耶王光遠是否諭傳下月查明補註監犯譚秉徵行將滿限惟係革書是否可予開釋應由縣酌辦李書易一案仍遵前批補列押犯張耀宇李天貴等九名均係竊犯卽撥入工藝廠鎖項學習由該縣酌核案情分別請示遵辦至府縣同城如該縣公出應訊之案儘可稟請本府代爲集訊彼此均係公事該府斷不可如秦越人之相視肥瘠漠不關心致小民廢時曠業守候爲勞也 永明縣 批番結十起未結十一起未及五成惟諭傳到案者七起該令辦事又似尙留心藩芳輝一案未註差傳諭傳究嫌疎略莫智臨延至六月之久該生癩試已畢亟應速提集訊俾清訟累周炳光等距城不遠何亦遲遲耶州縣爲親民之官果能視民事如家事自然案無留牘人無遁情若以結案分數但求免於上司考成是俗吏也 宜章縣 批番結七起未結二十二起祇及三成照章應記過一次諭單仍未切實舉行宜民何辜竟不能與各屬同沾惠益耶鄧祥古仍遵前批懲辦俾端風化該令到任已一月矣正宜振刷精神勤求治理將詞訟掃數廓清以示風厲大凡紳民之毀譽書差之背向均於下車時已卽見分曉而官聲之優劣亦隨之母以俗吏自居徒藉口於民刁俗疲也 安化縣 批番結已逾五成舒利貞以下十五起均未註諭傳二字亦是疏忽惟註銷者三起一堂卽結者十五起尙堪嘉予地方官果能一傳卽審一審卽結百姓自免拖累李少雲既經上控距城不遠何以許久尙未提訊

保定府等酌議改良省垣三監辦法稟

敬稟者竊維獄制貴乎謹嚴治獄尤貴矜恤恭稽

皇朝律令悉本前代憲章斟酌周詳損益

爲矜恤獄囚而設者燦然大備即近來歐美各國號稱文明無非本此恩此意切實舉行乃中國則

故事流弊漸滋積習相沿久而益甚致使良法美意轉成具文視彼罪囚幾非人類垢敝齷齪腥穢逼人

以致疾疫瘡癘傳染屍骸驗結案習爲故常我 憲台洞鑒其弊亟擬改良近有考查日本監獄之舉

有通飭矜恤庶獄之文凡留心政治者莫不備聞其詳矣卑職良選備員直省將及廿年歷任地方於興

利除弊恤囚安良諸要政皆孳孳焉惟恐或後此次仰蒙 憲恩委署斯邑首以監獄改良殷殷垂諭抵

任後即稟商卑府家寶籌畫一切飭會司府縣各獄官並委同卑職錫榮前詣各監周歷履勘悉心察酌

其現時必須增改者厥有十端曰整圍牆曰開天窗曰改木籠曰給醫藥曰設中廁曰埭甬路曰疏地溝

曰製夏衣曰勤梳洗曰置木盆逐一切實酌估計需開辦經費銀一千五百兩常年經費銀二千兩應請

憲恩檄飭藩司預行籌撥俾可次第舉行此外如有未盡事宜隨時審度稟明擴充務使治獄者有慈

祥哀矜之心繫獄者受法外加之實以仰副 憲台整飭獄務嘉惠罪囚之至意所有司府縣三監現

在酌議改良緣由理合開陳清摺照造估冊會稟 宮保查核指示遵行 計呈清摺一扣估冊一本

保定府知府朱家寶候補同知裴錫榮清苑縣知縣張良遜 呈今將省垣三監酌議改良現在應辦事

宜開列於後 計開 一整圍牆監獄重要之地四周圍牆尤當堅固結實庶足以示威儀而嚴防範查

省垣三監獄牆間有隙裂爲缺擬一律修整以昭慎密 一開天窗獄中犯多屋窄穢氣薰蒸天窗少則

空氣不通最易致病擬多開天窗以洩悶氣 一改木籠查監內籠屋多係低矮黑黯僂偻優伏不能舒

展斯亦抑鬱致疾之由擬將木籠加高并添設窗戶以透風日 一給醫藥查人犯進監類多帶病省獄

人多地隘尤多患時疫瘡疥往往不死於法而死於病擬於官醫外另延精通內外科醫理者一人診視

監犯並寬籌藥資以免瘕斃 一設中廁監內限於地基向設廁所未能寬暢擬酌量開拓重新添蓋飭

役每日打掃以期潔淨 一疏地溝獄中舊有地溝已多淤塞擬四圍一律疏濬並添水篋篋以資宣洩

一埭甬路查三監原埭甬路年久失修凹凸不齊擬一律鋪平以便行走 一製夏衣監犯類皆貧苦

冬令雖有製給棉衣 曠典而夏令應換單衣從未議及擬一律添置單夾衣 一勤梳洗

監犯確髮例有定限自應遵照而梳洗則當應時不宜稍懶擬每監選 差卒二人優給工食專爲獄中

人犯勤加梳洗以免垢 一置木盆每逢夏令衆犯擁擠穢氣蒸 易染瘟疫擬每監製備大木盆十

個大鐵鍋兩口飭令禁卒逐日燒水輪流洗沐以去垢污
理此外有未盡事宜隨時察度稟辦理合登明

以上十條係就現時必須應行之事增改辦

議罰重則辭退或送官究治 一出入賬目按三個月結清一次造具清冊呈請督察委員稽核無誤轉報將軍副都統備案至次年正月將上年出入各款彙總結清造具清冊二分呈請督察委員稽核無誤

北洋官報

一一

第六百四十二册

一轉呈將軍副都統備案一交省城商會憑各股東公閱徵信一留本公司存查 一每屆次年正月將上年賬目算清除開支辛工伙食及一切用度外如有贏餘應作爲十成提分計公積三成股東餘利五成總副分董及執事人等花紅二成俾得利益均沾庶幾人知奮勉 一公司既係招股辦理宜集思廣益以求妥善於每年正月結帳後定期知會各股東齊集公司將應辦之事悉心核議推廣如何擴充利益如何釐剔弊端各抒所見由總副董擇善而從並考核在事人等功過分別公議於應得花紅酌量加減以示勸懲而昭公允 一此次章程係屬初創以後辦理如有窒礙不得不隨時變通應由公司知會官商各股東會議妥協公同改訂再行咨部立案總副董不得任意更張 一此次章程經奏立案後應刊印多冊並附印股票息摺款式分送官商股東各一本以備查考此外商家如有願取閱者亦可送給俾資參考而開風氣 硃批覽欽此

17/240/11